

# E Genio di Agrabah

*Kompositor Letra: Axel Pikero*  
*Kompositor di Melodia: Axel Pikero*  
*Areglista: Axel Pikero*  
*Kantante: Reinier "Reintje Rock" Lijfrock*  
*Agrupashon: ICONS*

**Koro:**

Ta kua esaki, ta kua esaki

Ta kua patu a brui e anto, ta ki mishi'e aki }2x

Ku boso pèrmití laga mi introdusí mi mes

Ta mi t'e genio renombrá di Agrabah

Mi kuríkulo impekabel sigur ta papia pa su mes

Mi tin un poder ku boso no por maginá

Djis pidi un deseo i lo mi hasi'e (bira) realidat

**Koro:** Pero ki mishíbu aki

Ora m'a tende dje dushi isla aki

M'a bati bin fo'i medio oriente

Den karnaval mi ke baila shon

I mas ku klaro kumpli ku boso deseonan

No pidimi kos tangibel mi no ta duna material

Mi ta parti dopamina i serotonina sin mas

**Koro:**

Pues si bo tin deseo, mi tei pa yuda hinter pueblo

Bo tin ku frega, djis frega, frega, frega riba mi

Mi lampi aki

**Koro largu:** fásil djis fregámi, frega na mi lampi

Si bo tin 1-2-3 deseo

I lo mi lanta i aktivá

Si di kurason bo tin un petishon

Pa nos karnaval por ta eksitoso

Pidi pidi pidi pidi ku siguransa bo ta hañ'é

Pidi pidi pidi pidi mi tei pa komplasé

**Koro:** Frega nami awo

Ai sin bèrgwensa

Pa abundansia di amor i alegria

Bo mester energia?

Ai karnavalista

P'e trahe sinta master

Mi ta hasi milager

Sera bo wowo i pidi bo deseó awe  
Ku hopi fé pidi loke bo ke  
Un laman di prosperidat  
Hermandat den karnaval  
Un goso sin final  
Un tormenta di fantasia  
Pueblo pidi loke bo ke  
Si bo pidi'é bo ta hañ'é  
Si bo kere ata tum'é} 2x  
Un karosa di brasa  
Un buraku yená ku marcha  
Un sapatu di nubia

**Basion:**

**Koro:** Nami'e

pero ei, te ko'i bo ke?

Bo por kun'é?

Bo tambe ke?

Awèl tum'é

**Koro:** Fregadó

Fregadó bin frega

Frega su lomba

Frega su rudia, i un tiki na kustía

Frega aki, frega aya

Freg'é pia, e ta kima

Alegría pa pueblo, ta regalo di Genio

Un deseo ami tin, un deseo só mi tin

Mi'n ke bai mas Agrabah mi ke keda Willemstad